

Klausturbleikja
Klausturvegi 5
880 Kirkjubæjarklaustur

Reykjavík 17. apríl 2019
UST201809-024/F.T.
08.12.02

Efni: Staða frávika

Umhverfisstofnun vísar í bréf sitt frá 17. október 2018 sl. þar sem stofnunin óskaði eftir tímasettri áætlun um úrbætur á frávikum sem skráð voru í eftirliti þann 30. ágúst 2018. Þann 19. febrúar 2019 barst úrbótaáætlun rekstraraðila.

Frávikin eru eftirfarandi:


1. Gr. 1.2 í starfsleyfi. Slátrað er í eldiskerjum og fiskur fluttur dauður í vinnslu á Kirkjubæjarklaustri. Starfsleyfið nær einungis til fiskeldis, ekki slátrunar. **Samkvæmt úrbótaáætlun rekstraraðila er málið í skoðun hjá MAST. Stofnunin ítrekar að slátrun er ekki heimil á staðnum skv. starfsleyfi og fer fram á að rekstraraðili uppfæri úrbótaáætlun sína hvað frávik nr. 1 varðar.**
2. Gr. 2.4 í starfsleyfi. Losun fosfórs milli inntaks vatns og viðtaka er yfir losunarmörkum. **Rekstraraðili mældi fosfór í frárennsli aftur í janúar 2019 og reyndist efnið undir losunarmörkum. Stofnunin lítur svo á að frávikinu sé lokið en óskar þess að rekstraraðili mæli aftur næsta vetur og sendi stofnuninni niðurstöður mælingarinnar fyrir 1. apríl 2020.**
3. Gr. 3.5 í starfsleyfi. Ársyfirlit barst ekki fyrir 1. maí og skráningum var ábótavant, sbr. gr. 3.1. **Gögnin hafa borist stofnuninni og telst frávikinu því lokið. Stofnunin óskar þess þó að framvegis berist þjálfunarskrá með ársyfirliti.**
4. Gr. 3.6 í starfsleyfi. Grænt bókhald barst ekki fyrir 1. maí og skráningum er ábótavant: Gildistími starfsleyfisins er vitlaust skráður. Skv. lið 6.8 í GB fer dauðfiskur í dýrafóður en samkvæmt lið 4.6 er hann urðaður. **Grænu bókhaldi var skilað 1. júní. Skv. úrbótaáætlun rekstraraðila mun grænt bókhald framvegis berast á réttum tíma. Gildistími starfsleyfis hefur verið leiðréttur og röng skráning á dauðfiski hefur verið leiðrétt. Dauðfiskur er nú allur urðaður á urðunarstað Skaftárhrepps V-Skaftafellssýslu. Skv. rekstraraðila eru allar skráningar á dauðfiski settar daglega inn á þar til gert eyðublað í eldisstöðinni á Teygingalæk og síðan færðar mánaðarlega inn í tölvukerfi fyrirtækisins í starfstöðinni á Kirkjubæjarklaustri.**

Umhverfisstofnun fellst á úrbótaáætlun rekstraraðila hvað frávik 2, 3 og 4 varðar en óskar eftir uppfærðri áætlun varðandi frávik 1.


Verði frávikum ekki lokið eða ef áætlun um úrbætur gengur ekki eftir mun Umhverfisstofnun halda áfram með eftirfylgni þaðan sem frá var horfið.

Umhverfisstofnun bendir á að bréf þetta verður birt á heimasíðu stofnunarinnar.

Óski rekstraraðili eftir frekari upplýsingum má hafa sambandi við Huldu Soffiu Jónasdóttur í síma 591-2000 eða með tölvupósti á hulda.jonasdottir@ust.is.


Hulda Soffía Jónasdóttir
sérfræðingur

Virðingarfyllst


Frigg Þorlaciús
lögfræðingur

Afrit: Heilbrigðisnefnd Suðurlands